

Y 6
74



Q. H.



Q. N. 123, 37.


Y b
14

✠

Wundergeburt / Geschehen

in dem Dorff Felchte genant / im Gerichte
der Stadt Mülhausen in Düringen gelegen / Geschehen den 13.
Novemb: Abends vmb 11. Vhr. Anno 1 5 7 6.

Mit einer Notwendigen vnd trewhertzigen Bermanung vnd Warnung / M. Sebastiani Starcken Misenensis / Pfarrherrn vnd Superintendenten / für sich / vnd im Namen des ganzen Ministerij zu Mülhausen.



Gedruckt zu Mülhausen in Düringen / durch
Georgium Hanssch / Wonhafftig in der Jüdengassen, im Jahr
1 5 7 6.



Pfal. 71. 76.

Christlicher vnd Gottfürchtiger

Pfal. 7.

De ciuitate
Dei, lib. 21.
Cap. 8.

D lieber Leser/ Es zeuget der heilige Geist/ in der heiligen Schrift/ Das Gott selber/ vnd allein sey/ der Wunder thut/ dadurch er seine macht beweiset vnder den Völkern. Denn neben seinem mündlichen Wort hat Gott zu allen zeiten/ auch durch sichtliche zeichen vnd wunder/ entweder seine auferwekte liebe Gleubige/ in ihrer schwachheit vnd anfechtungen/ Väterlich warnen/ trösten/ seines almächtigen schutes/ vnd gewisser errettunge versichern: Den vngleubigen aber vnd sichern/ welche alle freundliche vermanung vñ besserung in wind schlagen/ vnd gar tröziglich verachten/ ihr Gottlos Leben/ vnd darneben seinen grimmigen Zorn/ sein gewektes Schwerdt/ gespannen Bogen/ tödliche geschosß/ vnd zugerichte Pfeile zuuerderben/ auff mancherley weise/ für die augen stellen/ vnd als gegenwertig/ mit Fingern zeigen wollen.

Daher auch der heilige Augustinus schreibet/ das solche werck/ welche Gott vber den gemeinen lauff der Natur wircket/ genennet werden Monstra, Ostenta, Portenta, Prodigia, Darumb/ das Gott in denselbigen etwas sonderliches/ Alß/ den trawrigen zustandt seiner Kirchen weisen/ vnd den Feinden vñ verfolgern derselben/ die bald folgende ernste straffe/ ankündigen/ offenbaren/ vnd gleich sichtbarlich für die augen stellen wil. Weil denn nach solchem rath vnd willen Gottes/ in vnser Nachbarschafft/ vnd für vnsern augen/ etwas dergleichen sich zugetragen hat: Bil vns keines weges gebüren/ solches mit stillschweigen zuuertuschen/ Denn was Gott selbs offenbaret vnd weiset/ sol warlich nicht vndergedruckt vnd verborgen werden.

Darumb lieber Leser / höre vnd merck mit fleiß: In dem Dorff/ Felchte genant/ welches vnder eines Erbarn vnd Botschweisers



weisen Rathes/ der Stadt Mühlhausen in Thüringen/ Gebiete/
vnd gar nahe bey der Stadt gelegen/ Ist den 13. Nouemb: dies
ses lauffenden 76. Jhars/ eine Erschreckliche Geburt gesche-
hen: Daselbst hat ein Weib/ mit Namen Margretha Hans
Thomas Haußfraw/ Abends vmb 8. Uhr/ einen Sohn zur
Welt geboren/ welcher auch so balde/ von dem Pfarrer dessel-
ben ortts/ Er Johan Werner/ in der Not getaufft vnd Jos
hannes genennet worden. Darauff in der Dritten stunde/
vngesehrlich vmb 11. Uhr zu Mitternacht/ mit grosser Not/
fahr vnd schrecken/ eine scheußliche Mißgeburt gefolget. Wel-
che (wie die Weiber/ so in der Not dabey gewesen/ vnd des
Pfarrer/ der auch so balde nach derselben Geburt/ widerumb
erfordert/ bezeuget haben) ein Form vnd gestalt gehabt/ wie ein
voller Schweins Magen / so aus einem jetzt geschlachten
Schweine gezogen/ fast driethalb viertel einer Ellen lang: Das
ran kein Leben/ vnd nichts Menschlichs zusehen gewesen/ denn
oben/ da das Köpfflin sein solt/ hat es dünne Herlin/ vnd vber
den ganzen Leib/ ein glat heutlin gehabt/ wie ein ander Neuges-
boren Kindlin/ aber weder Augen noch Ohren: Sondern an
stat der Augen/ hat man kleine rötliche grublin gesehen: Do
aber der Mund hette sein sollen/ auch ein klein grublin/ etwa so
groß/ als eine zimliche Haselnuß/ darinne man zwene scharffe
Zeene gefület/ hat keinen Arm/ Aber zwey kurze Beinlin/ vnd
daran zwey vngleiche Füßlin/ an dem Lincken sieben/ vnd an
dem rechten vier Zinlin: Das rechte Beinlin/ war ihm wegen
der grossen Not vnd fahr in der Geburt/ abgerissen worden/
Daher denn solche Mißgeburt/ desto vngestalter/ vñ erschreck-
licher anzusehen gewesen: Man hat auch nehrlich erkennen
können/ das es ein Kneblin het sein sollen.

Als nun den nechst folgenden Morgen/ den 14. Nouemb:
granelter Pfarrer/ mir solchs angezeiget/ vnd rath gesucht/ wie

ies mit diesem erschrecklichen Monstro, ferner sollte gehalten
werden: Sind/ nach gehaltenen vnterrrede/ mit meinen lieben
Herrn vnd Brüdern/ des H. Ministerij alhie/ mit vorwissen
eines Erbarn Raths/ vnser zwene/ neben mir M. Ludo: Helms
boldus/ beneben einem Rathherrn/ Er Johan Hartman M.
Donatus Groß dem Rectore vnser Schule/ so balde mit dem
Pfarrer hienaus gangen/ haben diese elende vnd armfelige Ges
burt/ (welche die Nacht vber/ wegen der ausgefignen feuchts
tigkeit/ dauon sie erstlich/ als oben vermeldet/ wie ein voller
Schweinemagen/ gestroht/ etwas eingefallen/ schwappicht/ vñ
runkliche worden war) nicht allein mit trawrigkeit vnd entse
zung gesehen: Sondern so balde von einem Maler Bernhard
Steffan/ auff das eigentlichsste abreißen lassen.

Weil wir vns denn/ aus mehr geschenehen Exempeln/ zu
berichten wissen/ das solchs/ so wol als andere Prodigia, nicht
allein vns an diesem ort/ Sondern auch vielen andern/ von
Gott zur Warnung/ gezeiget werden: Haben wir nicht vns
derlassen können/ dasselbe durch öffentlichen Druck/ beyde from
men vnd bösen zur notwendigen Lehre/ vnd ernster warnung/
mitzutheilen. Zweffeln nicht/ frome/ Busfertige vnd andechti
ge Herzen/ werden ihnen solchen vnsern geringen dienst/ ges
fallen lassen/ vnd one vnser weitleufftiges vermanen/ für sich
selbs erkennen vnd bedencken:

1. Wie der frome vnd getrewe Gott/ durch diß sehr erschreck
liche Portentum, erstlich in gemein/ die Kinder der gegens
wertigen letzten argen Welt/ bey dem hellen vnd seligen Liecha
te/ gnadenreicher vnd aller frölichsten botschafft des heiligen
Euangelij/ von dem Erstgeborenen Gottes Sone/ für allen
Creaturen/ vnd auch warhafftigem gebornen Menschen/ in
der letzten zeit der Welt/ vnserm leiblichem Bruder/ vnd eini
gem Heylande Ihesu Christo/ in frem Bauch vnd Sawleben/
habe

habe abmalen wollen. Denn es ja offentlich vnd vnleugbar:
Das wir/ so vnter einem Christo/ vnd in einer Kirchen/ als
Natürliche Zwillinge/ geboren werden vnd Leben: dennoch
gar vngleich gestalt/ von innen vnd aussen/ nicht nach dem
vrtheil der Vernunfft/ sondern des Glaubens vnd Lebens hal-
ben für Gott/ vnd nach dem vrtheil des heiligen Geistes/ in der
heiligen Schrifft geoffenbaret.

Denn/ wie Gott hiermit offentlich zeuget vnd klaget/ so ist
dieser Kinder in seinem Hause alzu viel/ die blind/ taub/ stum/
gar vngestalt/ lam/ vnd zu allem guten erstorben sindt/ Man-
geln der rechten Augen vnd Ohren/ welche Christus/ allen an- Luce. 10.
dern scharffsehenden vnd hörenden Weltkindern/ weit fürzeu-
het/ vnd allein Selig preiset. Warlich solch vrtheil Christi/
hat den heiligen vnd klugen Leuten zu jener zeit/ so so wenig ge-
fallen/ als es jetzt vnsern scharffsichtigen Weltkindern/ ver-
blenten Papisten/ vnd vbersichtigen Jesuiten mit alle ihrem
anhang gefallen mag.

Denn wo sindt jetzt solche augen/ die Jhesum Christum/ als
seinen erstgeborenen warhafftigen trewen Bruder/ einigen erlöser
in seinem Wort vnd Hochwirdigen Sacramenten/ mit rei- Actor. 4.
nen lautern augen des Glaubens ansehen/ erkennen vnd seinen
Namen/ als der vns allein zu vnserm Heyl vnd Seligkeit von
Gott gegeben ist/ mit andechtigen Ohren hören/ mit frölichem
Herzen vnd reinem Munde Predigen/ vnd ohne schew bekenn-
nen?

Fürwar diese Brüderschafft hat sehr abgenohmen/ vnd
das Kloster ist biß auff den Prior/ vnd ein klein heufflin armer Matth. 10.
Brüder/ welche noch kümmerlich vnd nehrlich Leben/ ausge- 25.
storben. Dagegen aber hat Sathan/ bey solchen stummen Luce. 12.
Meulern/ tauben Ohren/ vnd verblenten Augen/ als der erste
Kinder feind/ Kinder vnd Brüder Mörder/ einen solchen gros-
sen

sen hauffen der gebornen Kinder Gottes/ vnd Brüder des erst
gebornen Ihesu Christi/ (Ich rede hie nicht mit Jüden/ Tür
cken/ vnd allen andern Heyden vnd Völkern/ so aufer de
Kirchen sind vnd Leben/ vnd weder den Vater/ noch den erst
gebornen Sohn/ noch die liebe fruchtbare Hauswirtin/ vom
heiligen Geist berufene vnd geheiligte Christliche Kirche/ mit
ihren geistlichen Gütern vnd Gaben erkennen/ viel weniger sich
vmb ihren schosß vnd arme dringen) an sich gezogen/ einen gro
ssen Orden/ vnd ansehnliche Bruder schafft auffgerichtet/ welche
denn Gott dem Vater vnd dem erstgebornen/ noch Lebendis
gen/ vnd in ewigkeit regierenden Bruder/ sampt dem ganken
Hause vnd Kindschafft/ ein schand fleck vnd grosses Herkleid
sein. Denn diese alle/ durch verblendung ihres Ordens stiffter/
haben nichts mehr Kindlicher/ Brüderlicher/ Christlicher art
vnd eigenschafft an sich/ denn allein diese/ Das sie vnder ihren
ersten Haaren/ als dem angebornen Menschlichen Hütlin/ vñ
glatten Heutlin bedackt/ Neben andern ihren Lebendigen Brü
dern vnd Schwestern/ tichten/ trachten/ hin vnd her als die
Blinden Maulwürff/ den Erdboden durchfrichen vnd zerwüh
len/ einen hauffen nach dem andern vber sich werffen/ mit ihrem
scharffen Beenen/ so klein/ vngestalt vnd vnuermögend sie auch
sonst von Leibe vnd Krefften sein/ reißen vnd rafften alles zu
sich/ kwen fressen vnd füllen/ wie die geizigen Sewe/ alles in
ihren Sawmagen/ das sie strohen: Ein solcher vol gepfrumpff
ter Saw wanst/ sucht als denn eitel fleischliche Lust/ vnd lebet
wie ein ander Range in schendlicher vnd Viehischer vnzucht.

Aber mitten in der Geburt/ vnd ehe sie jr geiziges Sewle
ben recht zur helffte bringen/ stehets mit ihnen gar hart vnd
fehrlich an/ Das rechte Bein wird ihnen vom Leibe gerissen/
Das ander ist vngestalt vnd taug nicht viel/ Werden also mit
den in ihrem geizen/ grunkenden lauff bey dem Beine/ wie ander
Maß.

Maßschwein/vom Rosen gerissen/geschmet vnd gar gefellet/
müssen allen schweiß vnd Blut/ den sie noch in Mutter leibe/
vnd hernach iren matten vnd nothleidenden Brüdern vnd Schwes-
tern/ für dem Maul hinweg gerissen/ in sich gezogen vnd ges-
füllt haben widergeben/ vnd wie ein rumsliche Haut/ darinne
kein recht vnd rein Blut/ Fleisch/ Seel/ noch Geist ist/ von tag
zu tage abnemen/ einfallen/ verdorren/ verschmachten/ mit
Erden zu gefüllet/ verschorren/ des rechten Liechts/ Lebens/
freude/ Himmlischer vnd Seligen Kindschafft/ vnd ewigen
Brüderschafft mit Christo. 2c. beraubet/ vnd zur schrecklichen
ewigen Hellschen finsterniß verstoßen sein vnd bleiben.

2. Weiter zweuel ich auch gar nicht: Es habe vnser lieber/
warhafftiger vnd getrewer Gott/ mit diesem erschrecklichen
Ostento, die fürtreffliche/ vbergeistliche / vberheiligste/ vber
Künstreichste/ vnd Gott seyns geklaget/ weit ausgebreite/ biß an
vns rührende/ allenthalben sich einschleichende/ vnd zum theil in
der vnsern Heuser vnd Herzen eingeborne vnd eingessene/
doch von Gott in seinem warhafftigen Wort vnd Geist/
langst vberweiset vnd verdampfte Brüderschafft/ der Jesus
wider/ mit einer Lebendigen/ wiewol sehr schrecklichen farbe/
abemalen/ vnd recht wol bekant machen wollen. Erstlich dar-
rumb/ das er ihnen selbs/ ire scheußliche (schöne solt ich sagen)
gestalt/ die sie für Gott/ für ihrem erstgeborenen Bruder Ihesu Ephes. 5.
Christo/ vnd seiner warhafftigen schönen/ reinen/ vnd herrlis-
chen Kirchen haben/ zeigen vnd hiermit für die Augen stellen
wil. Als solt er sagen: Du Newe Sect/ vnd letzte vngewere
Frucht des Antichristlichen Papsts zu Rom/ die du dich meine
nechste vnd liebste Brüderschafft nennest/ vnd des besten vnd
heiligsten Ordens vnd Lebens auff Erden rühmest: Lieber thu
die Augen auff/ vnd sihe welch ein schöne Frucht du bist. Denn
eben so ehnlich diese andere/ vngestaltete/ vnmenschliche/ vnd gar

Johan. 3.

abschewliche Geburt dem ersten/wiewol auch schwerlich gebornem/doch Lebendigen vnd getaufften Bruder ist: So ist deine Jesuitische Geburt vnd gestalt mir auch/ vnd allen warhafftigen Brüdern vnd gliedmassen (Verstehe/ Nach der geburt/ dodurch wir Kinder vnd Erben Gottes/ vnd miterben dieses vnser aller ersten Natürlichen/einigen/ vnd ewigen Bruders vnd Heylands/sein vnd bleiben.) Von welcher wunderbaren vnd geistlichen geburt auch der alte Phariseer/vnd fürtreffliche Meister in Israel/Nicodemus/ wenig/ ja/ gar nichts nach seinem Kopff verstehen kundte.

Darnach/ das auch wir/ vnd alle die jziger zeit/oder hinförder/mit diesen Ihesu widerwertigen/ vnd gar vnehnlichen/ vnd schand brüdern/auch vnvorschempten Lestermewlern vnd verführern/ durch Gottes verhengnis/ vom Teuffel geplaget werden/diese böse vnd schedliche art erkennen/ vnd vns für jnen warnen lassen. Denn Erstlich/ist das auch aus jrem eigenem öffentlichen zeugniß vnleugbar/ das jr Stifter vnd stiftung/ (Wie die Historia von jrem Spanier/ dem Ignatio Layola/ welcher noch für 40. Jharen gelebt/ vnd ein Landtsknecht gewesen/meldet) auff einem bösen grunde/vnd wie man zu sagen pflegt/ auff losen Beinen stehet: Als derselbe Ignatius Layola/ in der Besatzung des Schlosses Pompeiopolitana/ mit geschos vnd andern Wassen beschediget worden/ vnd nicht mehr für ein Kriegsmann getoche/ Sondern auff ein solch Leben getrachtet/ das ihm/ als einem beschedigten vnd gelembten/ wolle am füglichsten vnd treglichsten sein: Hat er etliche Jhar in Franckreich studirt/ ist neben andern in einen von jhnen selbs erwehlten Orden/ erstlich durch einen Bepstischen Legaten/ vñ hernach durch vorbit des Cardinals Cotarrent/ vom Bapst selber bestetiget worden/ der gestalt/ vnd mit der verpflichtung: Das er vnd ein jeder dieses Ordens/ Gott allein/ vnd dem Römischen

Römischen Bischoff als Göttlichem Stadthalter auff Erden/
(reume dich) trewlich dienen/ ewige Keuschheit geloben (aber
nicht halten) den Christlichen glauben (Papistischen) durch
offentliche Predigt trewlich fort pflanzen/ Vnd sonderlich die
jungen Knaben vnd einfeltigen/ im Christlichen (Römischen)
glauben vnderweisen/ vnd die betrübten Weichkinder mit fleiß
verhören vnd trösten sollte.

Diese warhafftige Historia halt mit vleiß lieber Leser/ le-
gen die trawrige Geschicht/ dieser erschrecklichen Mißgeburt/
so wirstu in der warheit befinden/ Das neben der obangezeig-
ten gemeinen Warnung/ Gott auch in sonderheit seine liebe
Christen/ vnd sonderlich das junge einfeltige Volck/ vor dieser
ergerlichen/ vnd hochschedlichen Jesuwiderischen Brüder-
schafft ernstlich warnen/ vnd dauon abreißen wil: Sintemal
sie dem eusserlichen schein nach/ sonderlich im anfang/ den
schalck bergen/ die jungen vnd einfeltigen/ gar leichtlich an sich
ziehen/ einnehmen/ vnd betriegen können. Denn sie haben eine
glatte Haut/ vnd sind gletter/ weisser/ schöner/ leibhafftiger/
denn die andern rechten/ warhafftige Kinder/ prangen einher
in ihren schwarzen Heublein/ als die Hochgelerten Patres/
(Wie sie dann auch mit diesem Nahmen sonderlich Prangen/
vnd sich vngerecht ihrer jugende Pater Peter/ Pater Johan/ 2c.
nennen lassen.) Aber besize sie mit vleiß/ so wirstu inne wer-
den/ das sie vnder dem schwarzen Paters müßlin/ scharffe vnd
etterbessige Zehen im Maul haben/ die sie gerne verbergen wol-
ten/ aber sie können nicht/ man fület sie gar eigentlich/ vnd sind
solcher art Zeene/ Damit der heilige Prophet David/ Christus
selber/ Wie sie beyde im 22. Psalm klagen/ Hunde haben mich
vmbgeben/ 2c. vbel sind gebissen worden/ vnd alle recht vnd
standhafftige Christen/ noch heute von inen angebollen/ Vnd
wo sie durch verhengnis raum vnd Platz haben/ sehrlich vnd

Psal. 22.

Pfal. 57.

tödelich beschädiget werden. Denn ihre Zeehe spriche Dauid/
sind Spiz vnd Pfeile/ vnd ire Zungen sindt (nicht heilsame
Hunds Zungen) sondern scharffe Schwerter. Wie auch die
sagen/ vnd kleglich gar satt bezeugen/ welche diese Bellende vnd
Beissige art/ an ihrem Brodt wider ihren willen haben/ vnd
ihnen noch dazu grosse vnd schöne Stelle bawen/ vnd ihrer/ als
der nützlichsten Thierlin vnd wol singenden Vöglin/ auff das
eigentlichste vnd herrlichste warten müssen.

Philip. 3.

Fur welcher auch der heilige Apostel Paulus/ sonderlich vñ
gar trewlich warnet/ das man sich fürsehen soll: Lieben Brüs
der/ sehet auff die Hunde/ sehet auff die bösen erbeiter/ sehet auff
die Zurschneittung: Als solt er auch zu vns sagen/ Die nicht
Jesubrüder/ sondern Jesuwider/ vñ seiner rechtglaubigen Kir
chen/ öffentliche Feinde vnd zerstörer sind. Wie gnugsam bes
weist jr fürnemer Scribent vnd Patron D. Canis sus, in sei
nem kleinen vnd grossen Catechismo. In welchen er so sie beide
hinden vnd forne/ die qwer vnd die lenge besehen werden/ nur
eine lautere geseß Lehre/ zu marckt bringt/ Vnd damit nichts
anders thut/ denn das er nur vmb sich beisset/ vnd die gewissen
verlehet: Aber von der heilsamen Gerechtigkeit/ eines armen
Sünders für Gott/ oder von der vergebung der Sünden/ so
vns durch EHXstum thewer erworben / vnd im heilts
gen Euangelio/ vnd den Hochwirdigen Sacramenten durch
den Glauben warhafftig zugerechnet vnd geschenckt wirdt, wes
niger denn nichts gedenckt.

Vnd wie andere trewe Lehrer/ dauon recht vnd wol ge
schrieben haben/ weiß man aus denselben Catechismus den Nas
men Ihesus vnd Christus thet/ damit er doch nur ein ledig
Spiegelfechten treibet/ fände man darinne ein lautere Mosas
ische/ Catonische/ Ciceronische Lehre von gutten fürtrefflichen
Tugenden vnd wercken/ so fur der Vernunfft in dieser Welt
grossen

grossen schein haben: Aber von der Gerechtigkeit die für Gott
gilt/ welche Christus selber, vnd allein ist/ nicht ein wort.

1. Cor. 7.
2. Cor. 5.

Behüte Gott vns/ vnd vnser liebe Kinder/ vnd den armen
sungen einfeltigen/ vñ vnachtsamen hauffen/ für diesen schend-
lichen Lehrern/ vnd ihren scheinenden Catechismis/ Die nicht
auff Christum/ vnd auff die einige krafft Gottes/ zc. welche ist
das Euangelium von Christo/ Rom: 1. gegründet sind/ viel
weniger vns zu demselben weisen/ vnd auff ihn nach der Lehr
Pauli/ 1. Cor. 3. allein bauen: Sondern gerne widerumb zu
den alten stinckenden/ verfallenen/ grundlosen Pfützen des An-
tichristlichen Bapsthumbs/ führen vnd sampt sich/ mit Leib vñ
Seel ewiglich verführen wolten.

Rom. 1.

1. Cor. 3.

Wie denn daraus deutlich genung abzunemen/ Do dieser D. Canis sus
einen Catholischen Christen also beschreibet: Das er nach empfangener
Tauf/ durchaus glauben vnd bekennen muß/ was die alte Catholische
Römische Kirche glaubt/ vnd bekennet: Es sey eben in der Bibel ge-
schrieben oder nicht. Warlich hie ist grosse Noth/ das man mit ernste wider
solche Patres vnd Praeceptores Vere/ mit Gottes wort wider sie streite/
vnd für inen die lieben Jugendt trewlich warne. Aber wer achts? Wenn
ists ein ernst?

Darnach besihe weiter/ nach diesem fürgebildeten Monstro/ iren wol-
geputzten vnd prechtig auffgeschürzten Bauch. So wirstu einen rechten
ausgemesten Sew wanst findnn: Wie denn diese Geburt erstlich auch
gesehen hat. Welcher in dem theil diese Jesuitische/ verspette/ vnd bey ei-
reler Nacht des finstern Bapsthumbs geborne Kinder/ nicht vnehnlich
sein. Denn mit alle irer grossen Kunst vnd Heiligkeit/ sampt allen ihren
Schülern/ tichten vnd trachten sie darauff/ wie es die erfahrung vnd der
augenschein bezeuget/ das sie irem zarten vnd verwenehem Gotte/ dem
Bauch/ trewlich vnd wol dienen/ welcher sich denn mit blossen worten vñ
verheissungen Gottes selber/ nicht wil beserigen lassen: Kan auch sonst/
als ein weicher vnd zertlicher Gott/ keinen schinipff noch schertz verstehen.

Venter cae
ret auribus.

Vnd ob sie auch diesem ihrem Gotte **MAVCH**/ alle geschworne
Gottesdienst / vnd grossen schein der Heiligkeit/ Kunst vnd Keuschheit/
leisten: So können sie doch die auffgerbete/ Fleischliche Lust/ vnd vñ
art/ nicht verbergen/ vnd müssen leiden/ das man gewis glaubet/ vnd of-
fentlich von ihnen schreibet/ ja sie selber/ wie vnlangst nicht so gar ferne
von vns geschehen/ vnd nicht von einem frembden vnd unbekanten Gast/
mit ihrem Subenleben bezeugen. Sie halten ire Keuschheit (nach dem

46

bekandten Sprichwort) wie die Hunde ihre Fassen. Für dieser Casinische
en/ das ist/ schendlichen Hunds vnd Saw art / in der gemeine Christi/
Warnet auch der heilige Apostel Paulus seine rechte Romanisten/ vnd
Ihesu liebe freunde/ gar trewlich vnd ernstlich: Rom. 16. Ich erma-
ne euch aber/ lieben Brüder/ das jr auffsehet/ auff die da zur trennung vnd
ergernis anrichten/ neben der Lehre/ die jr gelernet hat/ vnd weicher von
denselbigen/ Denn solche dienen nicht dem H. Ern Ihesu Christo/ son-
dern ihrem Bauch/ 2c.

Rom. 16.

Leglich vnd zum Beschlus/ ist auch das/ als ein sonderlicher Trost/
wol zu mercken/ Das dieser Wunder Kinder/ vnd Bauchknechte grosse
Kunst vnd Heiligkeit/ damit sie sich für den andern Kinder im Hause/ seer
brüsten/ vnd hoch einher prangen/ in kurzer zeit verfeigen/ abnemen/ ein-
fallen/ vnd gar Schwappend vnd runzlich werden sol. Also/ das sie zu
nichts mehr nütz sein/ denn wenn man sie/ als die letzte Wunderfrucht des
Römischen Papssts/ hinden vnd forne besehen/ vnd auff alle eigentlich-
ste abgemaleit/ (Welchs denn nicht geschehen wird in dem Hause/ dorin

Wie es den
warhaftig
so geschehe
ist.

diese Frucht geboren ist/ sondern in des nechsten Nachpars dabey/ wels-
cher kurz zuvor/ das gläubige Kind/ dem H. Ern Christo durch sein gläu-
biges Gebet/ in der heiligen Tauff zugetragen hat) vnd vielen andern
Gottfürchtigen Hausvatern vnd lieben Kindern zur Warnung / würdt
fürgebildet vnd recht bekant gemacht haben: Das sie nach der Weiss-
agung Jeremie/ als nach dem vrtheil des heiligen Geistes sollen geschlach-
tet/ gewürget/ vnd gantzlich hingeworffen werden.

Jerem. 12.

Wer Ohren hat zu hören der höre/ Vnd wer nicht im finsternis wan-
deln/ anstossen vnd fallen wil/ der wandel beim Liechte dieweil ers hat/
auff das er des Liechtes Kind sey. O wie arme vnd verblendete Leute
sind das/ die ire lebendige Kinder/ Welche der H. Ern Christus in der H.
Tauff so freundlich vnd Brüderlich angenommen/ geherzt/ vnd auff das
aller schönste geschmückt hat/ wider aus seinen armen reissen/ vnd solchen
Canibus vnd subus/ Canisus solt ich sagen/ zuführen/ vnd vntergeben.
Was sol ein arms Kind/ von einem Hunde/ oder einer Sawen lernen/ Für
welchen der H. Geist selber/ wie oben angezeigt/ so trewlich warnet? O
weh euch/ vnd wie viel besser geschehe euch/ als Christus/ der r. chte Kun-
der freundt sagt vnd noch warnet/ Matth. 18. Das ein Mülstein an ew-
ern Hals gehenget würde/ vnd jr erseufft würdet im Meer/ da es am tieff-
sten ist.

Joha 11. 12.

Hiermit thue ich den Christlichen lieben Leser/ dem befehlen/ Der vmb
vnsere vnd vnser liebe Kinder willen/ selber ein kleines/ armes Kind in dies-
ser Welt/ vnd im finstern Stall/ 2c. geborn ist/ vnd vns die warhaftige
himlische/ ewige Kindschafft vnd erbshafft erworben hat/ Der selbe wöl-
le vns für diesen vnd allen andern Kinderfeinden vnd Seelmördern/ in
seiner Kinderzucht/ Durch seinen heiligen Geist regieren vnd erhalten/ W-
men. Datum Mülhausen/ den 26. Nouemb: Anno 1576.

the
iti/
nd
na/
nd
on
one
st/
ffe
eer
ins
zu
des
ch/
rin
el/
en
er/
ed/
Taa
ch/


mp
at/
te
z.
as
en.
en.
Q
ms
ws
ff/

nb
nes
ice
el/
in
W

ULB Halle 3
003 565 610









H. 133, 37.

Y 6
14

Wundergeburt / Geschehen
in dem Dorff Felchte genant / im Gerichte
der Stadt Mülhausen in Düringen gelegen / Geschehen den 13.
Novemb: Abends vmb 11. Vhr. Anno 1 5 7 6.

Mit einer Notwendigen vnd trewherkigen Bermanung vnd Warnung / M. Sebastiani Starcken Misenensis / Pfartherrn vnd Superintendenten / für sich / vnd im Namen des gantzen Ministerij zu Mülhausen.



Gedruckt zu Mülhausen in Düringen / durch
Georgium Hanssch / Wonhafftig in der Jüdengassen, im Jahr
1 5 7 6.

